



PARTII INUIT INATSISARTUNI

Partii Inuit

UKA 2013/123

Randi Broberg

21.11.2013

Una pillugu siunnersuut:

Qanoq iliornikkut nunatsinni ineqarnikkut piaarnerusumik pitsanngorsaaneq, nutarsaaneq inuillu illut, inissiat attartukkatik piaarnerusumik pigilersinnaaneraat apeqquteqaat aallaavigalugu oqallisissiaq Inatsisartunut ilaasortat Siverth K. Heilmann aamma Gerhardt Petersen, Atassut pillugu Partii Inuit ima ittumik oqaaseqarfigissavarput.

Inuit sumiikkaluaruttaluunniit inuttut inuinnarnissamut qularnaarisuusut pingaarnerpaataaraat iserfissaqarnissaq, siniffissaqarnissaq aammalu pitsaasumik inuunerisamullu tulluurtumik angerlarsimaffeqarnissaq.

Taamaattumik Partii Inuit nuannaarutingaarput Atassutip ilaasortaatitaasa tamatumunnga oqallisissiaqarnerat, aammalu tassunga tapertaliutiinnarlugu Naalakkersuisut akissuteqaatiminni iliuusissatut pilersaarutaat pitsaasutut isingalugit suliniuteqartoqarniarnera nuannaarutingaarput.

Ilumoorpoq piffissaq nalliussimavoq sorpassuartigut nutarterisariaqarnerup tikissimammatigut aammattaaq matumani inissiatigut aammalu illunik inissianillu nutartertariaqalersimasunik. Taamaattumik Partii Inuit tamakkiisumik tapersiilluta suleqataassaagut suliniutiginiakkanut pitsaasunut.

Taamaattoq Partii Inuit pingaartilluinnarlugu eqqarsaatigeqqarput avannaani aammalu illoqarfinni isorliunerusuniittuni illulioriaatsitta pinngortitamut minnerunngittumillu piorsarsimassutsitsinnut tulluarnerusunik sanaartortoqartalernissaa.

Assersuutigalugu Avanersuarmi piniartut atortuisa aammalu pisanik passussiviisa inooriaasiannut tulluarnerusumik illulioriaatsit ilusilersorneqartassasut eqqarsaatigeqqunarpoq.

Assersuutit taama ittut ineqarnermut pisortarfiup sineriassuatsinni isorartoqisumi aammalu assigiinngilluinnartunik atugaqartuusuni assersuutingalugu savaatillit imaluunniit nunalerinermik suliaqartunut illut tulluarnerusinnaasut suusinnaanersut eqqarsaatigilluakuttoorsinnaavavut.

Taamatuttaaq naggataatigut Partii Inuit tunngaviusumik iluarsiiartariaqarnermut pissutaasut pingaarutillit ataasiakkaarlugit taajunngikkaluarlugit sulisartut akissaatikinnerusut eqqarsaatigalugit inorsiinngittumik ineqarniarnikkut aaqqissuusseqqinnissaq qularnaarniartariaqartoq Partii Inuinit naalackersuisunut kaammattuutigerusupparput.